

# SARS E MEMA SETJHABA HO NTSHA MAIKUTLO MABAPI LE HO NGOLWA BOTJHA HA TOKOMANE YA TSE KENANG LE HO TSWA KA NAHA

**Pretoria, 5 Tlhakubele 2019** – Ho latela ditsebiso tsa moraorao tjena Tekanyetsong ya 2019, Ditshebeletso tsa Lekgetho tsa Afrika Borwa (SARS) di hlophisitse [tokomane eo ho ka buisanwang ka yona e mabapi le ho ngolwa botjha ha tse kenang le ho tswa ka naha](#) ka sepheo sa ho tswellisa pele motjha wa ho ralwa hape ha moralo wa tshebetso wa molao wa tse kenang le ho tswa ka naha.

Tokomane ena eo ho tlang ho buisanwa ka yona e hlalosa dintlha tse ananetsweng matjhabeng tse mabapi le taolo ya tse kenang le ho tswa ka naha tseo tekolobotjha efe kapa efe e lokelang ho lekanngwa / bapiswa le tsona. Ho tsebahatswa mmoho le tse etswang ha jwale tse mabapi le mokgwatshebetso wa kgafa-ho-tswa-mohloding (DAS) wa taolo ya tse kenang le ho tswa ka naha di fana ka moelelo wa tekolobotjha ya molao o mabapi le tse kenang le ho tswa ka naha. Dikgaello tse itseng tse bonahetseng molaong wa jwale o mabapi le phumantsho ya laesense ya DAS, tsa akhaonting, hlahlobo le tlohelo ya makgetho a kahare ho naha di supilwe hore ka mohlomong di ka lokiswa. Ho bile ho na le papiso ya dinaha tse fapaneng ho bontsha mehlala ya matjhaba e mabapi le boikgethelo ba ho tliša diphetoho. Qetellong, ho na le kgutsufatso e bontshang ditlhahiso tse tshehetswang ke SARS.

Sepheo ka tokomane ena eo ho buisanwang ka yona ke ho fumana dikeletso le maikutlo ho tswa ho di-indasteri kaofela tse amehang tsa tlhahiso, tshebediso, thomellokahare le thomellontle ya thepa mmoho le ho tswa ho bakgathatema ba tsa tse kenang le ho tswa ka naha ka kakaretso. Ka mora ho phethelwa ha nako ya ho fumana maikutlo a setjhaba, le hang feela ha maikutlo a se ananetswe, SARS e ikemiseditse ho ikopanya le meifo e emetseng di-indasteri mmoho le mafapha a amehang a mmuso bakeng sa dipuisano tse ding mmoho le ditlhahiso tse hlokanng diphehiso tse ding tsa tlatsetso le tse hlokanng ho tshoriswa.

Bakgathatema ba koptjwa ho romela diphehiso le maikutlo a bona ho eso fete la 31 Motsheanong 2019 mme ba romele tsena ho Mme Samantha Authar, ka tsela ya elektronike ho [C&E\\_legislativecomments@sars.gov.za](mailto:C&E_legislativecomments@sars.gov.za), kapa ka letsoho ho South African Revenue Service, Private Bag X923, Pretoria, 0001.